



Obavještenje o održavanju takmičenja

„Talent search 2018“

Udruženje matematičara Kantona Sarajevo (UM KS) u saradnji sa Odsjekom za matematiku Prirodno-matematičkog fakulteta Univerziteta u Sarajevu organizuje takmičenje „Talent search 2018“. Cilj ovog takmičenja je otkriti i stimulirati učenike koji su nadareni za matematiku i rješavanje logičko-kombinatornih problema. Naši predavači iz Škole matematike za nadarene učenike imaju višegodišnje iskustvo rada sa nadarenim učenicima i doprinijeli su razvoju mnogih olimpijaca, te sasvim sigurno sa lakoćom mogu prepoznati talenat kod nadarenih učenika.

1. Takmičenje će se održati u nedjelju, 9.9.2018. godine na Prirodno-matematičkom fakultetu, u amfiteatru „Branko Galeb“, sa početkom u 10 h. Vrijeme za izradu zadataka je 90 minuta.
2. Takmičenje je predviđeno za učenike koji do sada nisu pohađali Školu matematike za nadarene učenike u organizaciji UM KS, prvenstveno učenike 7. i 8. razreda, ali i učenike 6. razreda koji pokazuju posebnu sklonost prema matematici. Takmičenju mogu pristupiti i učenici 9. razreda, kao i učenici koji su pohađali Školu matematike za nadarene učenike, ali ne ulaze u konkurenciju za osvajanje nagrada (prvoplasirana tri učenika dobit će prigodne nagrade).
3. Zadaci na takmičenju neće zahtijevati matematičko predznanje sedmog i viših razreda osnovne škole, ali će iziskivati kreativnost i logičko razmišljanje učenika.
4. Prijave za takmičenje su otvorene do 8.9.2018. godine do 16 h. Prijave se vrše na linku na web stranici UM KS (<http://umks.pmf.unsa.ba/>).
5. Za vrijeme rada komisije za pregledanje zadataka (11:30-12:30), za učenike i roditelje će biti organizovano predavanje o važnosti razvijanja analitičkih vještina kod učenika, te mogućnostima primjene tih vještina.